

قدا مي سنين

على ذكر جارتنا الدلوعة

اللي ماضيها متلون كله ورود وأسواق

الكل ف بيتنا عشقها تمام حتى الشباك

الحب خلاص منه اتمكن

وبقت م الفجر فاتح لها قلبه شراع

عمال يبعث مراسيل وكلام

ما عرفش اتعلمه فين

واللبس اتعود يحضنها

م الريحه الحلوة اللي يوماتي

بتجيله بلاش

قلمي البكاش ف ثواني بيلبس

لبس العيد

ويجيب ف شموع على طول ويقيد

يعمل لها حفلة وعيد ميلاد

ويغني كمان زي العصافير

يعمل أراجوز يعمل رسام يعمل شاعر

معذور متأثر م الأهام

اللي ماجراش عندنا ف البيت

ومعاه يمكن ولا ميت صوره

لحببتي وهيا بتسقينني م المر كاسات

الظن بيتقل أحلى حاجات

والشك خلاص فجأة اتمكن

ولقيتني باغير منه لدرجة

تخليني أقوم ألغي الحفلة
واسحبها واطير بين الأشجار
البية ولع ف مشاعري النار
معقولة جماد عمال يتزوق ويلمع
ويرتب ف كلام م النرجس
وانا قاعد أقول ف كلام فوازير
غلطان من حاول يتعلم بالعافيه الحب
الحب له نكهة وزى عصير
أو قهوة ومتحوجه مضبوط
يتفق الطرفين على نسبه
أو حجم الكاس اللي هایشرب
منه الصادق ف مشاعره تجاه اللي ...
هايخلف ف العهد معاه

ويشّيله ناتج أن ضميره لساہ حي

لساہ بيعافر ويقاوح

ف الدنيا الصعب

مش عارف يمكن قلبي النى

قدامه سنين.....

علشان يتقوى

ويطلع له ف الحب أسنان